

戊申冬月

千金翼方

秀水王樹敏
秀水王樹敏書



千金翼方卷第十一

小兒

養小兒第一

合八十九條方二十首灸法二首論一首

凡兒在胎一月脉二月胎三月有血脈四月形體成五月能動六月諸骨具七月毛髮生八月藏腑具九月穀入胃十月百神備則生矣生後六十日瞳子成能咳笑應和人百五十日任脈成能自反覆百八十日體骨成能獨坐二百一十日掌骨成能扶伏三百日膈骨成能立三百六十日膝臑成能行也若不能依期者必有不平之處 兒初生落地口中有血卽當去之不去者兒若吞之成痞病死治兒生落地不作聲法取煖水一盆濯浴之須臾卽作聲 小兒始生卽當舉之舉之遲晚則令中寒腹中雷鳴先浴之然後乃斷臍斷臍當令長至足趺短則中寒令腹中不調當下痢若先斷臍後浴之則令臍中水水則發腹痛若臍中水及中冷則腹絞痛天紕啼呼面目青黑此是中水之過當灸粉絮以熨之不時治護臍至腫者當隨輕重重者便灸之乃可至八九十壯輕者臍不大腫但出汁時時啼呼者但擣當歸末粉絮日熨之至百日乃愈以啼呼止爲候若兒尿清者冷也與臍中水同 凡初生斷兒臍當令長六寸臍長則傷肌臍短則傷藏不以時斷臍若臍汁不盡者卽自生寒令兒風臍也 裹臍法 椎治臍令柔軟方四寸新綿厚半寸與帛等合之調其緩急急則令兒吐吮兒生二十日乃解視臍若十許日兒怒啼似衣中有刺者此或臍燥暈刺其腹當解之易衣

更裹臍時當閉戶下帳然火左右令帳中溫暖換衣亦然仍以溫粉粉之此謂冬之時寒也若臍不愈燒絳帛
家作灰粉之若過一月臍有汁不愈燒蝦蟇灰治衣粉臍中日三四度若臍未愈乳兒太飽令兒風臍也

兒新生不可令衣過厚熱令兒傷皮膚肌肉血脈發難瘡及黃凡小兒始生肌膚未成不可暖衣暖衣則令筋
骨緩弱宜時見風日若不見風日則令肌膚脆軟便易中傷皆當以故絮衣之勿用新綿也天和暖無風之時
令母將兒於日中嬉戲數令見風日則血凝氣剛肌肉牢密堪耐風寒不致疾病若常藏在幃帳中重衣溫暖
臂猶陰地之草不見風日軟脆不堪當風寒也 兒生十日始得哺如棗核大二十日倍之五十日如彈丸大

百日如棗大若乳汁少不從此法當用意少少增之若三十日乃哺者令兒無疾兒若早哺之及多者令兒頭
面身體喜生瘡差而復發亦令兒疳弱難食 小兒生滿三十日乃當哺之若早哺之兒不勝穀氣令兒病則
多肉耗三十日後雖哺勿多若不嗜食勿強與強與不消復成疾病哺乳不進者腹中皆有痰癖也當以四物
紫丸微下之節哺乳數日便自愈也 小兒寒熱亦皆當爾要當下之然後乃差 凡乳母乳兒當先以手極

按散其熱勿令乳汁奔出令兒咽輒奪其乳令得息息已復乳之如是十反五反視兒飢飽節度知一日之中
幾乳而足以爲常又常捉去宿乳 兒若臥乳母當臂枕之令乳與兒頭平乃乳之如此令兒不噎母欲寐則
奪其乳恐填口鼻又不知飢飽也 兒生有胎寒則當腹痛痛者偃啼時時吐或腹中如雞子黃者按之如

水聲便沒沒已復出此無所苦爾宜早服當歸圓黃耆散卽愈

當歸圓方見千金方
中黃耆散方本闕

凡乳兒不欲大飽飽則

令吐凡候兒吐者是乳太飽也當以空乳乳之卽消夏若不去熱乳令兒嘔逆冬若不去寒乳令兒欬痢母新
房以乳兒令兒羸瘦交脛不能行 母患熱以乳兒令兒變黃不能食 母怒以乳兒令兒喜驚發氣痼又令

兒上氣癲狂母新吐下以乳兒令兒虛羸 母醉以乳兒令兒身熱腹滿 凡小兒不能哺乳當服紫丸下之

凡浴小兒湯極須令冷熱調和冷熱失所令兒驚亦致五藏疾 凡兒冬不可久浴浴久則傷寒夏不可久
浴浴久則傷熱 凡兒又不當數浴背冷則令發癩若不浴又令兒毛落 小兒生輒死治之法當候視兒口

中懸癰前上脣上有赤胞者以指摘取決令潰以少綿拭去勿令血入咽入咽殺兒急急慎之 凡兒生三十

二日一變六十四日再變變且蒸九十六日三變百二十八日四變變且蒸百六十日五變百九十二日六變

變且蒸二百二十四日七變二百五十六日八變變且蒸二百八十八日九變三百二十日十變變且蒸積三

百二十日小蒸畢後六十四日大蒸蒸後六十四日復大蒸蒸後百二十八日復大蒸積五百七十六日大小

蒸畢 凡變者上氣蒸者體熱凡蒸平者五日而衰遠者十日而衰先變蒸五日後五日爲十日之中熱乃除

爾 兒生三十二日一變二十九日先期而熱便治之如法至三十六七日蒸乃畢爾恐不解了故重說之審

計變蒸之日當其時有熱微驚不得灸刺也得服藥及變且蒸之時不欲驚動勿令傍多人兒變蒸時或早或

晚不如法者多兒變蒸時壯熱不欲食食輒吐哕若有寒加之卽寒熱交爭腹腰天乳啼不止熨之當愈也

凡小兒身熱脈亂汗出者蒸之候也 兒變蒸時目白者重赤黑者微變蒸畢目精明矣 兒上脣頭小白庖

起如死魚目珠子者蒸候也初變蒸時有熱者服黑散發汗熱不止服紫丸熱差便止勿復與丸自當有餘熱變蒸盡乃除爾 兒身壯熱而耳冷髓亦冷者即是蒸候慎勿治之兒身熱髓耳亦熱者病也乃須治之

紫圓 治小兒變蒸發熱不解并挾傷寒溫壯汗後熱不歇及腹中有痰瀉哺乳不進乳則吐衄食痢先寒熱

方 代赭石

赤石脂

各一兩

巴豆

三十枚去皮心熬

杏仁

五十枚去皮尖熬

右肆味末之巴豆杏仁別搗爲膏和更搗二千

杵當自相得若硬入少蜜同搗密器中收之三十日兒服如麻子一圓與少乳汁令下食頃後與少乳勿令多至日中當小下熱除若未全除明旦更與一丸百日兒服如小豆一丸以此準量增減夏月多熱喜令發瘡二三十日輒一服佳此丸無所不治雖下不虛人

黑散

治小兒變蒸中挾時行溫病或非變蒸時而得時行方

麻黃

去節

杏仁

去皮尖熬各半兩

大黃

一分 右三

味搗爲散一月兒服小豆大一枚以乳汁和服抱令得汗汗出溫粉粉之勿使見風百日兒服如棗核大小量之

相兒命長短法

兒生枕骨不成者能言而死

膝骨不成者能偃而死

掌骨不成者能扶伏而死

踵骨

不成者能行而死

臑骨不成者能立而死

生身不收者死

魚口者死

股間無生肉者死

頤下破者

死 陰不起者死

囊下白者死赤者死

相法甚博略述十數條而已

兒初生額上有旋毛者當早貴妨

父母

兒初生陰大而與身色同者成人

兒初生叫聲連延相屬者壽聲絕而復揚急者不壽

兒初生汗

血者多厄不壽 兒初生目視不正數動者大非佳人 兒初生自開目者不成人 兒初生通身軟弱如無骨者不成人 兒初生髮稀少者強不聽人 兒初生臍小者不壽 兒初生早坐早行早語早齒生皆惡性非佳人 兒初生頭四破者不成人 兒初生頭毛不周匝者不成人 啼聲散不成人 啼聲深不成人 汗不流不成人 小便凝如脂膏不成人 常搖手足者不成人 無此狀候者皆成人也 兒初生臍中無血者好 卵下縫通達而黑者壽 鮮白長大者壽 論曰兒三歲以上十歲以下觀其性氣高下即可知其天壽大略兒小時識悟通敏過人者多天則項託顙回之流是也小兒骨法成就威儀迴轉遲舒稍費人精神雕琢者壽其預知人意迴旋敏速者亦天則楊脩孔融之流是也由此觀之天壽大略可知也亦由梅花早發不觀歲寒甘菊晚榮終於年事是知晚成者壽之兆也

凡小兒之病有三種有風痢有驚痢有食痢然風痢驚痢時有爾十人之中未有一二是食痢者凡是先寒後熱發痢者皆是食痢也驚痢當按圖灸之風痢當與豚心湯下之食痢當下乃愈紫丸佳 凡小兒所以得風者緣衣暖汗出風因而入也風痢者初得之時先屈指如數乃發作此風痢也驚痢者起於驚怖先啼乃發作此驚痢也驚痢微者急持之勿復更驚之或自止也其先不啼乳吐而變熱後發痢此食痢也早下之則差四味紫丸逐瀉飲最良去病速而不虛人赤丸差缺病重者當用之小兒衣甚寒薄則腹中乳食不消其大便皆酢臭此欲為癖之漸也便將紫丸以微消之服法先從少起常令大便稀勿使大下也稀後便漸減之矢不

酢臭乃止藥驚癇但灸及摩生膏不可下也驚癇心氣不定下之內虛益令甚爾驚癇甚者特爲難治故養小兒常當慎驚勿令聞大聲抱持之間當安徐勿令怖也又天雷時須塞其耳但作餘小聲以亂之也 凡小兒微驚者以長血脈但不欲大驚大驚乃灸驚脈 小兒有熱不欲哺乳臥不安又數驚此癇之初也服紫丸便愈不差更服之兒立夏後有病治之慎勿妄灸不欲吐下但以除熱湯浴之除熱散粉之除熱赤膏摩之又臍中以膏塗之令兒在涼處勿禁水漿常以新水飲之兒眠時小驚者一月輒一以紫丸下之減其盛氣令兒不病癇也 小兒氣盛有病但下之必無所損若不時下則將成病固難治矣 凡下四味紫丸最善雖下不損人足以去疾爾若四味紫丸不時下者當以赤丸下之赤丸不下當更倍之若已下而餘熱不盡當按方作龍膽湯稍稍服之并摩赤膏 凡小兒冬月下無所畏夏月下難差然有病者不可不下下後腹中當小脹滿故當節哺乳數日不可妄下又乳哺小兒常令多少有常劑兒漸大當稍稍增之若減少者此腹中已有小不調也便微服藥停哺但與乳甚者十許日微者五六日止哺自當如常若不肯哺而欲乳者此是有癖爲疾重要當下之無不差者不下則致寒熱或反吐而發癇或更致下痢此皆病重不早下之所爲也爲難治但先治其輕時兒不耗損而病速愈 凡小兒屎黃而臭者此腹中有伏熱宜微將服龍膽湯若白而酢者此挾寒不消也當服紫圓微者少與藥令內消甚者小增令小下皆須節乳哺數日令胃氣平和若不節乳哺則病易復復下之則傷其胃氣令腹脹滿再三下之尚可過此傷矣 凡小兒有癖其脈大必發癇此爲食癇下之便愈當

候掌中與三指脈不可令起而不時下致於發痢則難治也若早下之此脈終不起也脈在掌中尚可早治若至指則病增也 凡小兒腹中有疾生則身寒熱寒熱則血脈動血脈動則心不定心不定則易驚驚則痢發速也

龍膽湯治小兒出腹血脈盛實寒熱溫壯四肢驚掣發熱大吐嘔者若已能進哺中食實不消壯熱及變蒸不解中客人鬼氣并諸驚痢方悉主之十歲以下小兒皆服之小兒龍膽湯第一此是出腹嬰兒方若日月長大者以次依此爲例若必知客忤及魘氣者可加人參當歸各如龍膽多少也一百日兒加半分二百日加一分一歲兒加半兩餘藥皆準爾 龍膽 鈞藤 柴胡 去苗 黃芩 桔梗 芍藥 茯苓 甘草 炙各一分 蜋蛻二枚

炙大黃一兩

右一十味咬咀以水二升煮取五合爲一劑也取之如後節度藥有虛實虛藥宜足數合水

也兒生一日至七日分一合爲三服兒生八日至十五日分一合半爲三服兒生十六日至二十日分二爲三服兒生二十日至三十日分三合爲三服兒生三十日至四十日盡以五合爲三服十歲亦準此皆瀋下卽止勿復服也

治少小心腹熱除熱丹參赤膏方

丹參

雷丸

芒消

戎鹽

大黃

各三兩

右五味切以苦酒半升浸四

種一宿以成鍊豬脂一斤煎三上三下去滓內芒消膏成以摩心下冬夏可用一方但丹參雷丸

治少小新生肌膚幼弱喜爲風邪風邪所中身體壯熱或中大風手足驚掣五物甘草生摩膏方 甘草 炙防

風各一兩 白朮二十兩 雷丸二十兩 桔梗二十兩 右五味切以不中水猪肪一斤微火煎爲膏去滓取彈丸大一枚

灸手以摩兒百過寒者更熱熱者更寒小兒無病早起常以膏摩額上及手足心甚辟風寒

礬石圓 主小兒胎寒偃暗驚癇臙脹滿不嗜食大便青黃并治大人虛冷內冷或有實不可吐下方 馬齒

礬石一斤燒半日 右一味末之棗膏和圓大人服如梧子二枚日三服小兒減之以意增損以腹中溫暖爲度

有實亦去神良

小兒客忤慎忌法 凡小兒衣裳帛綿中不得令有頭髮履中亦然 凡白衣青帶青衣白帶者皆令兒中忤

諸違行來馬汗未解行人未澡洗及未易衣而見兒者皆中客忤見馬及馬上物馬氣皆忌之 小兒中客

之爲病吐下青黃汁腹中痛及反側偃側似癇狀但目不上插少睡面色變五色脈弦急若失時不治小兒則

難治治之法 以水和鼓搗令熟丸如鷄子大以轉摩兒額上及手足心各五遍又摩心腹臍上下行轉摩之

食頃破視其中有細毛葉圓道中病愈矣 若吐不止灸手心主間使大都隱白三陰交各三炷 又可用粉

丸如鼓法並用唾之唾之呪如左 呪曰 摩家公 摩家母 摩家兒若客忤從我始扁鵲雖良不如善唾

良唾訖葉丸於道中 又方 取一刀橫著竈上解兒衣撥其心腹訖取刀持向兒呪之唾輒以刀擬向心腹

曰啡啡曰煌煌日出東方背陰向陽萬公萬母不知何公子來不視去不顧過與生人忤梁上塵天之神戶下

二鬼所經大刀環犀對竈君二七唾客愈兒驚唾啡啡如此二七啡啡每唾以刀擬之呪當三遍乃畢用鼓丸

一如上法五六遍訖取此丸破看其中有毛棄丸於道中即愈矣

治小兒卒客忤法 取銅鏡鼻燒令赤著少許酒中大兒飲之小兒不能飲者含哺之愈○又方 取馬矢三

升燒令煙絕以酒三升煮三沸去滓浴兒即愈

千金湯 主小兒暴驚啼絕死或有人從外來邪氣所逐令兒得病家醫不治方 蜀漆一分一左顧牡蠣一分

熬 右二味咬咀以酢漿水一升煮取五合一服一合良

治小兒新生客忤中惡發癎發熱乳哺不消中風反折口吐舌并注忤面青目上插腹滿癎癎羸瘦瘵及三歲

不行雙丸方 上麝香二兩牛黃二兩黃連二兩宣州者丹砂一兩特生礬石一兩燒附子一兩炮去皮雄黃一兩巴豆十六

枚去皮桂心一兩烏賊魚骨一兩赤頭蜈蚣一兩熬右一十一味各異搗篩別研巴豆如膏乃內諸藥鍊蜜

和擣三千杵密塞之勿洩氣生十日二十日至一月日服如黍米大二丸四日至百日服如麻子大二丸

一歲以上以意增加有兒雖小而病重者增大其丸不必依此丸小兒病客忤率多耐藥服藥當汗出若汗

不出者不差也一日一夜四五服以汗出為差凡候兒中人者為人乳子未了而有子者亦使兒客忤口中

銜血即月客也若有此者當尋服此藥即兒可全也口聚唾腹起熱者當灸臍中不過二七壯并勸服此藥

若喜失子者產訖兒墮落地聲未絕便即以手指刮舌上當得所銜血如韭葉者便以藥二丸如粟米大服

之作七日乃止無不痊也若無赤頭蜈蚣赤足者亦得三枚皆斷取前兩節其後分不可用也

小兒雜治第二方五十七首論一首

竹葉湯 主五六歲兒溫壯腹中急滿氣息不利或有微腫亦主極羸不下飲食堅痞手足逆冷方 竹葉切

升 小麥半升甘草炙 黃芩 栝樓根 澤瀉 知母 人參 茯苓 白朮 大黃各一升薑一兩麥門

冬二兩桂心二銖半夏二兩當歸三分 右一十六味咀咀以水七升煮麥竹葉取四升去滓內諸藥煮取

一升六合分四服

治小兒連壯熱實滯不去寒熱往來微驚方 大黃 黃芩各一兩栝樓根三分甘草炙牡蠣熬人參各半

二兩龍骨 凝水石 白石脂各半滑石二兩消石半兩 右十二味咀咀加紫石英半兩以水四升煮取

一升半分服三合一日令盡

治小兒寒熱欬逆膈中有澀乳若吐不欲食方 乾地黃四兩麥門冬半升五味子半升大黃一兩消石一兩

蜜半升 右六味咀咀以水三升煮取一升去滓內消石蜜更煮令沸服二合日三胸中當有宿乳一升許

出兒大者服五合

射干湯 主小兒欬逆喘息如水鷄聲方 射干二兩麻黃二兩紫苑一兩甘草一兩桂心五寸半夏五枚洗

生薑一兩大棗四枚 右八味咀咀以水七升煮取一升半去滓內蜜半斤更煮一沸飲三合日三服○又

方 半夏四兩桂心二兩生薑二兩紫苑二兩細辛二兩阿膠二兩甘草二兩蜜一合款冬花二合 右九

味咬咀水一斗煮半夏取六升去滓內諸藥更煮取一升五合五歲兒飲一升二歲兒服六合量大小加減
治小兒欬逆短氣胸中噎噎出涕唾欬出臭膿亦治大人 燒淡竹瀝煮二十沸小兒一服一合日五服大
人服一亦日五服不妨食息乳哺

杏仁圓

主小兒大人欬逆上氣方

杏仁

三升去尖皮
兩人熬令黃

右一味熟搗如膏蜜一升爲三分以一分內杏仁

搗令強更內一分搗之如膏又內一分搗熟止先食已含之咽汁多少自在量之

治小兒火灼瘡一身皆有如麻子小豆戴膿乍痛乍痒熱方

甘草

生用

芍藥

白斂

黃芩

各三分

柏

各半

右六味搗篩以白蜜和塗上日再亦可作湯浴之

千金有
苦參

治小兒火瘡方

熟煮大豆濃汁溫浴之亦令無癰○又方

以蜜塗之日十遍

苦參湯

主小兒頭面熱瘡方

苦參

八兩

大黃

三兩

蛇牀子

一升

芍藥

三兩

黃芩

二兩

黃柏

五兩

菝葜一斤

右八味切以水三斗煮取一斗半洗之日三度大良

千金云治上
下偏身生瘡

○又方

大黃

黃芩

黃

柏 澤蘭 礬石

石南

各一兩

戎鹽

二兩

蛇牀子

三合

右八味切以水七升煮取三升以絮內湯中洗拭

之日三度○又方

熬鼓令黃求之以傅瘡上不過三度愈

治二百日小兒頭面瘡起身體大熱方

黃芩

三分

升麻

一兩

柴胡

一兩

甘草

二分

大黃

三兩

當歸

半兩

右七味咬咀以水四升煮取二升分爲四服日三夜一多煮洗瘡佳

治小兒身體頭面悉生瘡方 取榆白皮灼令燥下篩酢和塗綿覆上蟲出自差

治小兒手足身體腫方 以小便溫煖漬之良○又方 并治癰癤 巴豆五十枚去心皮 右一味以水三升煮取

一升以綿內湯中拭病上隨手滅神良

治小兒瘡癰癤方 蒴藿一兩 防風一兩 羊桃根一兩 石南一兩 茵芋一兩 芫蔚一兩 礬石一兩 蒺藜一兩

右八味切以酢漿水一斗煮取五升去滓內礬石煎令小沸溫浴之千金有秦椒苦參蛇牀枳實升麻爲十三味

治小兒丹數十種皆主之撮湯方 大黃一兩 甘草一兩炙 當歸一兩 芎藭一兩 白芷一兩 獨活一兩 黃芩一兩

芍藥一兩 升麻一兩 沈香一兩 青木香一兩 芒消三兩 木蘭皮一兩 右一十三味切以水一斗二升煮取

四升去滓內芒消令烱以綿溫湯中適寒溫搗之乾則易取差止

治小兒丹發方 生慎火草擣絞取汁以拭丹上日十遍夜三四

治小兒丹腫方 棗根 升麻 白斂 黃柏 黃連 大黃 梔子 甘草生用各二兩 生地黃汁一升 右九

味切以水一斗四升煮取七升去滓內地黃汁煎三沸以故帛兩重內湯中以搗丹上小煖卽易之常令溫

澤蘭湯 主丹疹入腹殺兒方 澤蘭 芎藭 附子炮去皮 莽草 薑本 細辛 茵芋各半兩 右七味咬咀以

水三 煮取一升半分四服服此湯然後作餘湯洗之

治小兒半身皆紅赤漸漸長引耆方 牛膝 甘草生用 右二味細剉各得五升以水二斗煮取三五沸去

滓和竈下黃土塗之

治小兒頭髮不生方 取或葉中心擣絞取汁塗之生

治小兒禿瘡無髮苦痒方 野葛一兩 猪脂各一兩 羊脂各一兩 右三味合煎略盡令凝塗之不過三數傳卽愈

治小兒禿瘡方 取雄雞矢陳醬清和洗瘡了傳之三兩遍差

治小兒白禿方 取芫花末臘月猪肪脂和如泥先以灰汁洗拭塗之日二遍

治小兒頭瘡方 胡粉一兩 黃連二兩 右二味擣爲末洗瘡去痂拭乾傳之卽愈發卽如前再傳亦治陰瘡

○又方 胡粉二兩 水銀一兩 白松脂二兩 猪肪脂四兩 右肆味合煎去滓內水銀胡粉攪令和調塗之

大人亦同

治小兒頭無髮方 燒鰾魚作末醬汁和傳之卽生

治小兒顙開不合方 防風一兩 白芨半兩 柏子仁半兩 右三味擣爲散乳汁和以塗顙上日一度十日知

二十日合

治小兒臍瘡方 燒鰾帶灰傳之愈

治小兒鼻塞不通有涕出方 杏仁半兩 椒一兩 附子一分 細辛一分 右肆味切以酢伍合漬一宿明

旦以猪脂五兩煎之附子色黃膏成去滓以塗絮導於鼻中日再又摩顙上

治小兒口瘡不能取乳方 大青三分黃連二兩 右二味咬咀以水二升煮取一升二合一服一合日再夜

一〇又方 取礬石如雞子大置酢中研塗兒足下三七遍立愈

治小兒重舌方 取三屠家肉各如指許大切摩舌兒立能乳便啼〇又方 衣魚燒作灰以傅舌上〇又方

重舌舌強不能收唾者取鹿角末如大豆許安舌上日三卽差〇又方 取蛇皮燒灰末和大酢以雞毛取

之以掠舌上日三遍

治小兒重舌舌生瘡涎出方 以蒲黃傅舌上不過三度愈〇又方 取田中蜂房燒之以淳酒和傅喉咽下

立愈

治小兒咽痛不得息若毒氣哽咽及毒攻咽喉方

生薑二兩切

橘皮一兩升麻二兩射干二兩

右肆味咬咀

以水六升煮取二升分爲三服亦治大人

治小兒喉痹咽腫方

以魚膽二七枚和竈底黃土以塗咽喉立差

雀矢丸 主小兒卒中風口噤不下一物方 取雀矢如麻子大丸之飲服卽愈大良雞矢白亦良

治小兒數歲不行方 葬冢未閉戶時盜取其飯以哺之不過三日卽行勿令人知之

治小兒食土方

取肉一斤

右一味以繩繫肉曳地行數里勿洗火炙噉之不食土矣

治小兒遺尿方

瞿麥

龍膽

石韋

皂莢

炙去皮子

桂心

各半兩

人參

一兩

雞腸草

一兩

車前子

五分

右八味

家之鍊蜜和先食服如小豆五圓日三加至六七丸

治小兒羸瘦有蚊蟲方 藿蘆五兩 黍米泔二升 右二味切以內泔中以水三升五合煮取二升五歲兒服

五合日三服兒大者服一升

治小兒三蟲方 雷丸 芎藭 右二味等分爲散服一錢七日三服

治小兒陰瘡膿水出方 煮狼牙汁洗之愈

治小兒氣癰方 土瓜根一兩 芍藥一兩 當歸一兩 右三味咬咀以水二升煮取一升服五合日二服

治小兒狐疝傷損生癰方 桂心三分 地膚子二兩 白朮五分 右三味末之煉蜜和白酒服如小豆七丸日

三服亦治大人○又方 芍藥三分 茯苓三分 大黃半兩 防葵半兩 半夏一分 桂心一分 椒一分 乾薑一分

右八味末之煉蜜和如大豆每服一丸日五服可加至三丸千金無乾薑

治小兒核腫壯熱有實方 甘遂三分 麝香三銖 大黃 前胡各一兩 黃芩半兩 甘草半兩 青木香三分 石膏三

分碎 右八味咬咀以水七升煮取一升九合服三合日四夜二服

治小兒誤吞針方 吞磁石如棗核大針立下

論曰文王父母有胎教之法此聖人之道未及中庸是以中庸養子十歲以下依禮小學而不得苦精功程必令兒失心驚懼及不得苦行杖罰亦令兒得癰癩此事大可傷悞但不得大散大漫令其志蕩亦不得稱讚聰

明尤不得誹毀小兒十一以上得漸加嚴教此養子之大經也不依此法令兒損傷父母之殺兒也不得怨天尤人

眼病第三

合一百三十三方
灸法二首論一首

真珠散

主目瞤覆瞳睛不見物方

上光明朱砂半兩貝子

五枚炭火燒末之

白魚

七枚

乾薑

末半

右肆味研之

如粉以熟帛三篩爲散仰臥遣人以小指爪挑少許付眼中差亦主白膚瞤

七寶散

主目瞤經年不愈方

琥珀一分白真珠一分珊瑚一分紫貝一分馬珂一分朱砂二分麝仁半兩

決明子一分石膽一分

右九味下篩極細付目中如小豆日三大良

礬石散

主目瞤及贅肉方

礬石上上白者末內如黍米大於瞤上及贅肉上卽令淚出以綿拭之令得惡

汁盡日一其病逐惡汁出盡日日漸自薄便美好上礬石無過絳礬色明淨者慎如療眼當法也

去瞤方

貝子

十枚燒末

右一味搗篩取如胡豆著瞤上日再正仰臥令人傳之如炊一石米久乃拭之息肉者

加珍珠如貝子等分研如粉

治眼漠漠無所見決明洗眼方

決明子

二十五枚千金作一合

麝仁

秦皮

黃連

宣州者佳各半兩千金作十八銖

螢火蟲七枚

右伍味以水八合微火煎取三合冷以綿注洗目日三度

治五藏客熱上熏

一作衡

眼外受風寒令眼病不明方

地膚子

半兩千金作二合

柏子仁

一合

大黃二兩決明子五合